

cur Filius Dei dicatur Verbum, et cur sub eo etiam respectu
sit Deus, paucis absolvam. Dicitur Verbum Patris; id
est: Actus intellectus Divini Patris seipsum, suamque
infinitam pulchritudinem non tantum objective contem-
plantis, sed notionaliter insuper suam cognitionem in-
expressam hanc Deitatis sua perfectam imaginem termi-
nantis. Hinc sequitur; quomodo pariter sit et dicatur
Deus: Respondeo enim: eo ipso quod sit verbum Dei, scilicet
terminus mentis, sit et verbum Dei, id est, terminus mentis
Divinae, aeterno et omni perfectissimo modo in sui ipsius
absolutissimam cognitionem tendentis; ex hoc ipso, inquam,
sequitur, quod necessario sit Deus idem, et unus cum Pa-
tre, cum sit ipsissima, et prorsus simillima Patris
imago, eandem cum Patre participans naturam: nec
tamen propterea ipse Pater, sed alia omnino Persona